

Yeshua un Israelita; E Hustisia di Dios!!!

E **Honestidat** di **Dios** ta den abo su **alkanse**, pasobra **Dios** ta un **Dios** di **Hustisia**. **Dios Su Hustisia** ta **Hustisia Eterno**, **Dios Su Lei** ke men **Bèrdat** (**Salmo 119:142**). **Yeshua** un **Israelita**; **E Hustisia di Dios!!!**

Yeshua un Israelita; E Hustisia di Dios!!!

'Boso, ku ta **Mi Pueblo**, skucha **Mi Bon**, paga **Bon tinu**, **Mi Mashon!** **Lei** i **Hustisia** ta bini di **Mi**, nan ta **Lus** pa **Pueblonan**. **Djis** akí **Mi** ta trese **Liberashon**, **Mi Salbashon** **no** ta dje leu ei mas, ku **Brasa Fuerte** **Mi** ta establese **Hustisia** den **Pueblonan**. Asta e islanan di mas leu ta **spera** **Mi** i ta **Konfia** den **Mi Poder**. (**Isaías 51:4-5**).

Yeshua un Israelita; E Hustisia di Dios!!!

'**Ata** **Mi Sirbidó** ku **Mi** a skohe, **Esun** ku **Mi** ta **Stima**, **Legria** di **Mi Kurason**. Lo **Mi** manda **Mi Spiritu** riba **djE**; lo **E Proklamá** **Mi Hustisia** na e **Nashonnan**. Lo **E no pleita** **ni** grita; **niun** hende lo **no** tend'É papia duru riba kaya. Lo **E no kibra** **ni** un sprichi doblá, **ni** paga un mecha ku ta **djis** huma, te ora **E pone** **Mi Hustisia Triunfá**. **Nashonnan** lo pone nan **Speransa** den **djE**.' (**Mateo 12:18-21**).

Yeshua un Israelita; E Hustisia di Dios!!!

Awor aki den **2021** abo por ta **puntra** abo mes unda **E Hustisia di Dios** ta? **Unda** abo por haña **E Hustisia di Dios**?

E Hustisia di Dios ta bisa pa abo **no eksplotá** un hende, pa abo **no trata** e ruman ku ta **pober** i ta den **miseria** kaba, na un manera malu, **sin konsenshi**, **sin Amor**, **sin Hustisia!**

E Hustisia di Dios ta bisa ku abo **no mag violá** **Derecho** di **strañero** òf **wérfano** ni tuma paña di un **biuda** komo **pant**. Kòrda ku boso tabata **katibu** na **Egipto** i ku **SEÑOR** a **Libra** boso fo'i djei. P'esei **Mi** ta **Ordená** boso aktua asina. (**Deuteronomio 24:17-18**).

E Hustisia di Dios ta bisa ku e **religion Puru** i **sin mucha** den **bista di nos Dios** i **Tata** ta pa abo **bishitá** i buska **drechi** di e **wérfano** i **biuda** den nan **aflikshon** i **nesedidat**, i **konservá** abo mes **liber**, **sin mucha**, no **kontaminá** abo ku e **maldat** di e **mundu** akí. (**Santiago, Hakobo 1:27**).

E Hustisia di Dios ta bisa ku ora e **momento** ku **Dios** a **stipulá** a yega, **EL** a manda **Su Yu**, ku a **nasé** di un **hende muhé** i ku tabata **someté** na **Lei** di **Moises**, pa asina **Reskatá** e **Hebreo** nan ku tabata **sometí** na **Lei** i tambe pa hasi ku abo; e **Hebreo**, por bira **yu Adoptivo** di **Dios**. I esaki ta e **Prueba** ku abo ta **yu**: **Dios** a manda **Spiritu** di **Su Yu** den abo su **Kurason** i e **Spiritu** akí ta sklama: '**Abba, Tata!**' Ke men antó ku abo **no** ta **katibu** mas, pero **yu** di **Dios** i ta **Dios Su Boluntad** pa abo, komo **yu**, bo ta **Herederu** tambe! (**Galatanan 4:4-7**). **Yeshua** un **Israelita**; **E Herederu di Dios!!!**

7 novèmber 2021

Sea Bendishoná ku e **Amor** di **Dios Tata**; **Yeshua Mesias**
Un Fiel Sirbidó di **Dios**,
Remsly L Riley.